



Societas Iesv Amatrix, Cultrix, Imitatrix, Christi Crvcifixi

Sandaeus, Maximilianus

Antverpiae, 1647

91. Circa mortem perpessiones suas Passioni Dominicæ consociare studet,
Thomas Hollandus, Anglus.

Nutzungsbedingungen

[urn:nbn:de:hbz:466:1-55449](#)

152 SOCIETAS IESV

ipsum caput nocte horrido , asperrimo-
que cilicio obvolvebat , ut sic vel dor-
miens quantulamcumque SPINEÆ Co-
RONÆ CRVCIFIXI sui imitationem re-
tineret.

Verebatur , opinor , ne somnus eas
deleret imagines , quibus ipse vigilans
mirificè recreabatur. Et verò , si somniis
ex qualitate cubilis lègem se posse dare
confidunt , qui reconditæ Philosophiæ
arcana se tenere gloriantur , quid aliud,
quàm SPINAS somniaret caput , quod
in cilicio dormiebat.

Ioannes Rhò lib. 3. hist. virt. cap. 2.

DECAS X.

I.

AMATOR CRVCIFIXI

*Circa mortem perpetiones suas Passioni
Dominicæ consciare studet.*

91.
THOMAS
HOLLAN-
DVS. An-
glus.

ANNO CHRISTI millesimo sexcen-
tesimo quadragesimo jam pene ex-
acto, haberì in Anglia cæpta sunt publi-
ca Regni Comitia, quod Parliamentum
vocant, à quo Parliamentarii Regiæ do-
minationis hostes. Quo ex tēpore mul-
tiplicia illic, & illustria extiterunt, ho-
dieque extant hominum Catholicorum,
& Religiosorum præsertim pro Apo-
sto'ica Romanaque fide certamina.

Inter

Inter quæ nobile imprimis fuit THOMÆ HOLLANDI, Sacerdotis Societatis JESV Angli, qui propè patibulum, quod hoc tempore est in Britanniâ CRVX MARTYRVM, super trakam in pedes sese erigens, ad populum loqui cœpit ; sed vix proœmio absoluto, *quid ago?* dicebat, ab eo signo sermonem auspicari oportuerat, cuius virtute vincendus est Christianis infernus hostis. Tum signo CRVCIS muniens sese, cum formulâ verborum vñitata : *In nomine Patris, & Filij, & Spiritus sancti,* addebat : *Spero neminem hoc culpatum, quia Christiani hominis SIGNVM est.*

Deinde, alloquutione ad populum finitâ, genibus summâ cum reverentia nixus, postquam se rursus Latinâ verborum formulâ, adhibitâ CRVCE, signasset, precari Anglicè sic cœpit ; ut primò, ardentissimos fidei, spei, & charitatis affectus expromeret, tum suppli- citer à Deo veniam delictorum non si- ne tenerimo, intimoque sensu exposce- ret; denique, vitam illi suam, sequer- totum illi devoveret.

„ Suscipe, inquiens, ô Pater miseri-
„ cordiarum, qualemcumque me vides.
„ Suscipe has indignas perpessiones
„ meas, quas Sanctissimæ Unigeniti cui
„ CONSOCIATAS PASSIONI propensi-
„ ma tibi voluntate offero; eorum virtute &

154 SOCIETAS IESV

,,conjunctione, quæ Passus est dulcis-
,,simus Redemptor meus JESVS, unà
,,cum meritis omnium, qui in lege na-
,,turæ, & in lege Moysis, & in lege
,,Gratia divinæ Majestati tuæ accepti
,,fuerunt, sunt, vel erunt, gratiores, ut
,,spero, futuras.

Post hæc veniam impertiit adversa-
riis. Mox carro subducto, in quo pro-
more consistebat, laqueo fauces com-
primente, spiritum in terra desit duce-
re, quem ipsi in cælos, ut fas est credere,
deducere certabant Angeli. Passus est
Londini Anno salutis M. DC. XLII. De-
cemb. XXII. ætatis suæ anno XLII, post
quam annos duodeviginti, septemque
menses in Societate JESV sanctè vixisset.

*Libellus continens certamen triplex trium Sacer-
dotum Ang'orum è Societate JESV, impressus Ant-
verpiæ Anno 1645.*

II.

AMATOR CRVCIFIXI

*Plantat apud infideles Crucem tanquam
lignum vitæ incorruptibile, semper
viride, vegetum, germinans.*

92.
COSMVS
TVRRIA-
NVS Castel-
lanus.

C OSMVS TVRRIANVS Hispanus,
dum per Oceani blanda discrimi-
na sequeretur multo inferiora tot æ-
rumnis & mortibus præmia, optimæ
suæ sortis ignarus ad Apostolici gra-
dus excelsitatem ductus fuit à DEO,
aspectu